

1801

C A S U I S T I C I.

1802

nendum. Igitur sequitur Prologus *Quaestionum Casualium*, quae prelo nunquam subjectae fuisse videntur, in *M/s.* tamen extant. Dein Prologus ipsius *Summae* cum *Elencho Titulorum omnium IV.* eius *Librorum*, tandem *Summa* hoc initio: *Quoniam inter ecclesiastica crimina symoniaca heresis &c. Fol. 398.* Rubrica: *Isti sunt paragrafi Summe fratris Raymundi per Numerum, secundum quem ut plurimum in hac summa confessorum eorundem fit assignacio. Fol. 402.* Incipiunt statuta summe confessorum ex sexto decretalium addita &c. Monitum praevium ita init: *Ne libri qui de summa confessorum iam scripti erant appositione statutorum a domino Bonifacio summo pontifice nuper (id est 1298.) in suo sexto libro decretalium collectorum et de nouo editorum destruerentur, aut fructus ex eorum noticia animabus proueniens negligeretur — utile iudicavi in fine ipsius summe sub titulis eiusdem summe et eodem ut plurimum quaestionum numero, in quibus incidunt, de ipsis statutis tantum apponere, quantum sufficere uidebitur ad noticiam confessorum. &c.* Tacent de hac Adpendice Bibliothecarii Ord. Praed. quibus tam uber *Johannis* nostri Exemplar nusquam oblatum fuisse videtur. Ad hanc porro ubertatem facit etiam completissima *Tabula* alphabetica, quae a fol. 418. ad usque Codicis finem pertinet.

DCCL.

Codex partim membranaceus, R. 3033 partim chartaceus lat. Sec. XV. Folior. 319. f. per duas columnas bene scriptus et coloribus illustratus hanc Rubricam praefert: *Incipit summa de casibus compilata per fratrem Astexanum de ordine fratrum minorum ubi premititur copia litere eiusdem fratris ad dominum Johannem Gaytanum sancti Theodori dyaconem Cardinalem et postea subiungitur copia litere eiusdem domini quam misit ad supra dictum fratrem quando summam recepit.* Rite omnia, prout in vetustissimis tribus hujus Summae Impressionibus, quarum differentias descriptas dedi in *Supplem. Annual. Typogr. Maittair.* P. II. p. 496. 4. In praesenti porro Codice e *Libris VIII.* non nisi III. primi insunt. Autoris Epistola data est *Januae Anno domini M. CCC. XVII. E* Praefatione, quae incipit: *Bonorum laborum gloriosus est fructus. Sap. III.°* iuverit observare, quos fontes Doctor noster in Opus suum derivavit: *De ordine meo fuerunt multi, precipue isti scilicet Frater Alexander (Alensis) de Anglia, qui, quando fuit ordinem ingressus, erat magister legens actu sacram scripturam Parisius super omnes temporis sui famosus; Frater Bonaventura etiam famosissimus tempore suo, qui fuit multo tempore Minister generalis et postea Cardinalis; Frater Guillelmus Anglicus de Mara (Lamarensis); Frater Galtberus (Gualter. de Brugis)*

B 2

qui

1803

C O D I C E S

1804

qui fuit *Episcopus Pietauiensis*; *Frater Richardus de Media Villa*, *Frater Johannes Scotus famosissimus et subtilissimus*, *Frater Alexander de Alexandria*, qui fuit etiam *Minister generalis*, quem, ut discernatur a primo *Alexandro*, cognomino *Lombardum*, et illum primum cognomino *Anglicum*. De alio autem ordine fuerunt duo scilicet de ordine *Praedicatorum Frater Thomas de Aquino etiam famosissimus*, et *Frater Petrus de Tarentasio*, qui fuit *Papa* (*Innocentius V.*) *Aliquid etiam recepi de Quodlibetis Magistri Heinrichi de Gandauo*. *Doctores vero Juris canonici*, ex quibus plurima sumpsi, fuerunt etiam isti, scilicet *Bernhardus* (de *Montemirato Compostellanus*) *compilator Apparatus ordinarii Decretalium*; *Innocentius Papa quartus*, qui fecit *Apparatum Decretalium*; *Hostiensis* (*Henr. de Segusia*) *Goffredus* (*Galfredus, Ganfredus de Trano*) quorum uterque fecit *Summam et Apparatum*; *Guillelmus Durandi*, qui fecit *Speculum iudiciale et Reportorium*; *Garfias* (*ICTus Hispal.*) qui fecit *Apparatum super Decretales Gregorii decimi* (lege *IX.*) *Johannes Andree*, qui fecit *Apparatum super VI. Decretalium*; *Bartholomaeus Brixienfis*, qui fecit *Apparatum super Decretum*; *Raymundus* (de *Pennafort*) et *Rodonensis* (*Guil. Rhodonensis O. P.*) qui fecit *Apparatum super Raymundi Summam*. Praeterea, quae *Astexanus* a *Librariis* suis petit, adscribam: *Moneo*, ut in principio

*tituli semper litera prima fiat magna litera de minio et auro, et in principio cuiuslibet articuli, nisi forte primo, fiat paragrafus insignis, seu duplex, seu cum aliquibus floribus, ut initium articuli facilius discernatur*. Egi de eo in *Memorab. vernac. Biblioth. Garell.* P. I. p. 44. 4. Alia quaedam refert *Mazzuchellius in Scritt. d'Italia Vol. I. P. 2. p. 1184.* ubi tamen *Card. Joh. Cajetano de Ursinis* perperam substituitur *Card. Jacobus Cajet. de Stephanescis*. Ceterum miratus sum semper, a nemine *Autorum christianum Summistae nostri nomen prodi*; *Astexanus* enim manifeste *πατρωνυμικον* tantum est ab ejus urbe natali *Asta*, et ut *Summa* ejus recte dicatur *Astexana*, quemadmodum alia similis *Pisanella* dicitur, non tamen inde inferas, ejus *Autorem Pisanellum* vocari, qui *Bartholomaeus* fuit.

DCCLI.

Codex membraneus lat. Sec. R. 1124 XIV. Folior. 121. 4. per duas columnas luculente exaratus, minio distinctus, et quondam *Collegii Vienn. S. J.* ab *Indice alphabetico* auspiciatur, qui inscribitur: *Incipit Summa Casuum*. Hunc *Rerum Indicem* consequitur alius *Capitulorum*, quae numero sunt *CC. XLVIII.* quorumque primum praenotatur: *Quare penitentia Tabule comparetur*, ultimum vero: *De penitentia Scandali*. Init Opus: *Cum miserationes domini sint super omnia opera eius. misericordiam*